



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. I. Vtrum electio sit actus voluntatis, vel intellectûs?

[urn:nbn:de:hbz:466:1-78232](#)

riò & per se, & aliud secundariò & per accidentis. A seu ratione alterius, & veluti in obliquo & de connotato; & hoc secundo modo, eodem actu intentionis vel electionis attinguntur; intentio enim respicit finem, ut est ratio volendi media, & quatenus est assequibilis per illa; electio verò tendit ad media, prout conducunt ad assecutionem finis. Unde D. Thomas hic art. 4. ad 3. comparat istos duos actus ascensui & descensui: sicut enim ascensus incipit a loco inferiori, & terminatur ad superiorem; contra verò descensus incipit à loco superiori, & terminatur ad inferiorem: ita intentio incipit à fine in quem primò fertur, & ex illo descendit ad media, ad quæ secundariò terminatur; electio verò incipit à mediis, ad quæ primò fertur, & ex illis ascendit ad finem, ad quem secundariò terminatur. Ex quo non sequitur finem eligi, & media intendi: quia solùm dicitur intendi id in quod primò & per se fertur intentio, qualis est finis; & eligi id in quod primò & per se tendit electio, qualia sunt media.

Confirmatur hæc doctrina & responsio exemplò quo utitur D. Thomas in fine corporis ejusdem articuli. Eodem modo se habet voluntas ad finem & ad media, quo se habet intellectus ad principium & ad conclusiones, ut ait Philosophus 2. Physic. textu 29. Ergo sicut intellectus non potest unico actu ferri in principium & in conclusiones, si ad utrumque primariò & per se tendat: bene tamen si unum attingat primariò & aliud secundariò, & consideret principia prout continent conclusiones, vel conclusiones prout relinquent & continentur in principiis: ita pariter voluntas fertur distinctis actibus in finem & media, si quodlibet eorum primariò, per se, & absolute attingat; secùs verò, si unum velit cum ordine & subordinatione ad alterum. Unde inquit S. Doctor supra qu. 8. art. 3. Finis ut est ratio volendi medium, eodem actu appetitur quo medium. Et hic art. 4. Cum dico, volo medicinam propter sanitatem, non designo nisi unum motum voluntatis: cuius ratio est, quia finis ratio est volendi ea que sunt ad finem, idem autem actus cadit super objecum, & super rationem objeceti, sicut eadem visio est coloris & luminis.

De hoc actu eleganter differunt SS. Partes, præsertim Gregorius & Bernardus: Ille enim explicans istud Job 38. Super quo bases illius solidata sunt, sic ait: Bases unius cœnusque anima sunt intentiones sue: nam sicut fabrica columnis, columnæ autem basibus innituntur, ita vita nostra in virtutibus, virtutes verò in intima intentione subsistunt. Iste verò in hæc verba Cantorum: Pulchra sunt genatae sicut turris: dicit faciem anime esse mentis intentionem, quia sicut ex facie pulchritudo corporis estimatur, ita & rectitudo operis ex mentis intentione. Ob eandem rationem aptissimè mentis intentione lux & oculo à Christo comparatur: nam sicut à luce omnia decorantur & ornantur, ita (inquit Gregorius) per bona intentionis radium, merita illuminantur actionis. Et sicut oculo pes, manus, & cætera corporis membra reguntur, eorumque externi motus, quod debent tendere diriguntur: sic intentio, velut anima oculus, humanos actus in ultimum finem ordinat, à quo mala intentione deflectunt. Unde inquit Gilbertus in Cantica: Si plures habes oculos, sagittantis exemplò, omnes alios clande, hoc unū utaris, quo solùm dilectum valeas intueri.

DISPUTATIO IX.

De Electione.

Ad quaestionem 13. D. Thoma.

EGIMUS de actibus circa finem: dicendum est quod invenimus de actibus circa media; & primo de his qui pertinent ad ordinem intentionis, electione scilicet, consilio, & consensu; postea de illis qui spectant ad ordinem executionis, usum nimirum & imperio.

ARTICULUS I.

Vtrum electio sit actus voluntatis, vel intellectus.

PATET ex jam dictis, ad eligendum requiri intellectus & voluntatis concursum; intellectus quidem, ut consulat de medis, & deliberet quænam determinatè sint eligenda; voluntatis verò, ut ea præaliius in ordine ad finem intentum acceptet. Unde difficultas est, in quoniam istorum actuum consistat formaliter electione, an in actu voluntatis, vel in actu intellectus: non potest enim in utroque ex aequali consistere (quicquid dicant in contrarium Bellarmius lib. de gratia & lib. arbit. cap. 9. & Salas hic tract. 6. disp. 1. sect. 5.) nam apud omnes electionem unum aliquid denotat, seu unum hominis actus, sicut intentio, fruitio, & reliqui voluntati actus.

S. I.

Difficultas resolvitur.

DICO igitur, electionem esse substantialiter actum voluntatis, licet præsupponat speciale motionem & ordinationem rationis.

Prima pars probatur primò ex communione sensu hominum: nam licet quis judiceret aliquid esse melius vel utilius, donec tamen illud velit, non censetur elegisse.

Secundò probatur: Objectum electionis est bonum utile: Sed sola voluntas versatur circa bonum: Ergo electione est actus voluntatis.

Tertiò: Electione est actus libertatis, qua idcirco vis electiva appellatur: Sed libertas in voluntate tanquam in propria fede & cubili reddit: Ergo & electione; subindeque est actus voluntatis.

Quartò: Virtus moralis, quæ est habitus electivus, in voluntate subjectatur: Ergo & ipsa electione.

Denique, ut discurrevit D. Thomas hic art. 1. intellectus qui materialiter pertinet ad unam potentiam, & formaliter ad aliam, est secundum substantiam & elicitive illius potentie ad quam pertinet materialiter: Sed actu electionis est materialiter a sola voluntate, & formaliter tanquam ab intellectu: Ergo elicitive, & secundum substantiam, est a voluntate. Majorem declarat S. Doctor in actu fortitudinis, in finem charitatis ab ipsa charitate ordinato, qui secundum substantiam

stantiam & elicivit est ab habitu fortitudinis, quia ad illum pertinet quantum ad materiale, & ab habitu charitatis solum quantum ad formale, seu quantum ad ordinatum in ultimum finem. Minor vero sic ostenditur. Actus qui fertur in bonum ordinatum per rationem, materialiter est voluntatis, formaliter vero intellectus: Sed electio fertur in bonum ordinatum per rationem: Ergo materialiter est voluntatis, formaliter vero intellectus. Minor est certa: electio enim supponit ordinacionem rationis, quia media intentio & in ordine ad finem intentum comparatur, ut infra patebit. Major in qua est difficultas, sic ostenditur. Quando ad aliquem actionem concurrunt duo principia, quorum unum se habet ut dirigens, & movens, aliud vero ut motum & directum, quod se tener ex parte diligentis, & moventis, se habet formaliter, quod vero se tenet ex parte illius quod dirigitur & moretur, se habet materialiter, ut patet in exemplo jam adducto: nam cum actus fortitudinis imperatur a charitate ut exerceatur propter Deum, tunc actus ille materialiter est a fortitudine, formaliter vero a charitate; quia id quod est a virtute inferiori, se habet ut materia respectu illius quod est a virtute superiori dirigente ari morentem: Sed quando aliquis actus fertur in bonum ordinatum per rationem, ad eum concurrit intellectus & voluntas; intellectus quidem ut dirigens & in ovens in suo genere, voluntas vero ut directa & mota: Ergo quando aliquis ad actus fertur in bonum ordinatum per rationem, et quidem rationis quoad formale, sed quoad materiale est voluntatis.

Dicess: Non solum materia, sed etiam forma pertinet ad substantiam rei, immo forma est principalior: Ergo si materiale electionis pertineat ad voluntatem, & formale ad intellectum, dicendum est electionem esse actum utriusque potentiae, & principalius pertinere ad intellectum.

Sed contra primò: Quamvis in naturalibus forma sit principalior, lecus tamen in artificialibus: Sed electio est veluti quoddam artefactum: Ergo ea materia praestat formam.

Secundò: Esto quod tam in artificialibus, quam in naturalibus, forma intrinseca & essentialis rei sit principalior materia, non tamen forma extrinseca & accidentalis: Atqui actus rationis non est forma intrinseca & essentialis electioni, sed extrinseca duntaxat; nam forma essentialis electionis est habitudo transcendentalis ad medium per intellectum consiliatum, & ideo ipse actus rationis, qui est consilium, est tantum forma extrinseca, ex eo quod terminus relationis, que est forma intrinseca, sit objectum ut consilium seu ordinatum per rationem: Ergo actus rationis, esto se habeat per modum forme, non pertinet tamen principaliter ad electionem.

Quod autem D. Thomas voluerit actum rationis esse tantum formam extrinsecam & accidentalem, ceterum electionis, patet, cum ex propositione quam ad id probandum assumit, ait enim: *Actus qui est essentialiter unius potentie vel habitus, recipit formam & speciem a superiori potentia vel habitu*, secundum quod ordinatur inferior & superiori. Manifestum est autem, quod actus essentialiter pertinens ad unam potentiam, non recipit formam aut speciem essentialiam ab

alia superiori potentia. Tum etiam exemplum quod adducit de actu fortitudinis, a charitate imperato, id est, ad finem charitatis relato; nam evidens est talis actum non habere suam speciem essentialiam a charitate, sed a fortitudine.

Secunda pars conclusionis, quæ asserit quod electio presupponit specialem motionem & ordinacionem rationis, probatur egregio discurso D. Thomae qu. 42. de verit. art. 13. ubi haec scribit: *Quandocumque sunt duo agentia ordinata, secundum agens dupliciter potest moveare vel agere: uno modo secundum quod competit natura sua: alio modo secundum quod competit natura superioris agentis*. Impressio enim superioris agentis manet in inferiori; & ex hoc inferioris agens non solum agit actione propria, sed actione superioris agentis: sicut sphaera Solis movetur proprio motu, qui ratio unius anni expletur, & motu primi mobitis, qui est motus diurnus. Similiter & aqua movetur motu proprio tendendo in centrum, & habet quendam motum ex impressione Lune, qua movet ipsam, ut patet in fluxu & refluxu maris. Corpora etiam mixta habent quendam operationes sibi proprias, quo consequuntur naturali quatuor elementorum, ut tendere deorsum, calcificare, infrigidare; & habent alias operationes ex impressione celestium corporum, ut magnes attrahit ferrum. Et quamvis nulla actio inferioris agentis fiat, nisi praesupposita actione superioris: tamen illa actio, quæ competit ei secundum suam naturam, attribuitur ei absolute, sicut aquæ moveri deorsum: illa vero quæ ei competit ex impressione superioris agentis, non attribuitur ei absolute, sed in ordine ad aliud: sicut fluere & refluere dicitur esse proprius motus maris, non in quantum est aqua, sed in quantum movetur a luna. Ratio autem & voluntas sunt quedam potentiae operativa adhuc ordinata; & absolute considerando ratio prior est, quamvis per reflexionem efficiatur voluntas prior & superior, in quantum moveat rationem. Unde voluntas potest habere duplicum actum, unum qui competit ei secundum suam naturam, in quantum tendit in proprium objectum absolute; & sic actus attribuitur voluntati simpliciter, ut velle & amare, quamvis ad hunc actum præsupponatur actus rationis: alium vero actum habet, qui competit ei secundum id quod ex impressione rationis relinquatur in voluntate: cum enim proprium rationis sit ordinare & conferre, quandocumque in actu voluntatis apparet aliqua collatio vel ordinatio, talis actus erit voluntatis, non absolute, sed in ordine ad rationem.

Hæc Divus Thomas elegantissime: ex quibus aperte concluditur, quod electio praesupponit omnibus actibus voluntatis, & plusquam intentio, dependet ab intellectu, specialemque rationis motionem & ordinacionem supponit. Pro cuius majori declaratione:

Sciendum est, quod sicut est proprium voluntatis movere per modum impulsus quoad exercitium, ita est proprium intellectus movere quoad specificationem, & in genere causam finalis, exhibendo voluntati bonum quo allicitur, in quo constitutus finalis causalitas. Sed potest intelligi has duas potentias duobus modis semper in actu intellectus, representantem objectum in quod tendat, & voluntas applicat & quasi impellit intellectum ad objecti considerationem: secundò potest intelligi hujusmodi poten-

potentias se mouere speciali quadam ratione, quatenus una recipit ex motione alterius specialem quemdam modum operandi, quem communicat suis actibus, quemque non communiqueret, motione illa seclusa: v.g. intellectus ex sua ratione habet ordinare & collativè procedere, unum alteri conferendre; hoc autem non habet voluntas ex se, sed solum inclinare, & per modum impulsus in objectum tendere: unde quod hoc faciat ordinare, & accipiendo unum pro aliо, & cum collatione ad aliud, non habet ex se praeceps; id tamen participare potest ex motione & ordinatione intellectus. Similiter intellectus ex vi sua tendit in objectum per modum manifestans & illuminans, ex impressione autem voluntatis, cum quadam efficacia & impulsu, ut patet in imperio, quod non solum ordinat ad opus, quod est proprium rationis a qua procedit, sed etiam cum quadam efficacia sive impulsu (modo inferius explicando) movet ad executionem. Electio ergo non solum supponit generalem illam motionem intellectus, qua ad omnes actus voluntatis concurrit, representando illi objectum in quod tendat, & a quo specificetur, sed etiam specialem qua media ordinat ad finem, & ea in ter se confert, ac judicat unum alteri esse preferendum; & ideo Aristoteles 3. Ethic. cap. 2. dicit electionem esse appetitum preconsiliari, id est objectum per consilium propoliti & per rationem deliberati. Et D. Thomas quart. 22. de veritate art. 25. Electio (inquit) est actus voluntatis, non absolute, sed in ordine ad rationem, eò quod in electione apparet id quod est proprium rationis, scilicet conferre unum alteri, vel preferre, quod quidem in actu voluntatis invenitur ex impressione rationis, in quantum scilicet ipsa ratio proponit voluntati aliquid non ut utile simpliciter, sed ut utilius ad finem. Unde triplex voluntatis ab intellectu dependentiam, seu triplicem gradum dependendi ab intellectu possimus distinguere: primus est in proponendo objectum, quod ad omnes actus voluntatis requiritur; secundus in ordinando finem ad media, vel media ad finem; & hic est communis intentioni & electioni: tertius est in conferendo media inter se, & preferendo aliquid vel aliqua; & hic solum competit electioni, & ideo electio specialem importat dependentiam a ratione, & majorem adhuc quam ipsa intentione.

S. II. Solvuntur objectiones.

OBIICES primò contra primam partem conclusionis: Electio est actus prudentia: Sed prudentia est in intellectu: Ergo electio ad intellectum pertinet.

Respondeo omnem electionem non esse à prudentia, cum etiam imprudentes elegant; illam vero, qua est à prudentia, non esse ab illa elicitivè, sed directivè tantum, seu regulativè, quia bona electio debet dirigi & regulari per prudentiam; qua ut docet D. Thomas infra qu. 57. & 22. qu. 49. & 51. habet tres actus, scilicet judicare, consilire, & præcipere; & per duos primos regulat electionem faciendam ab habitu virtutis moralis, per tertium vero regulat ipsam executionem seu usum, ut infra patebit, cum agemus de imperio.

Dices: Divus Thomas 22. qu. 124. art. 2. ad 2. dicit quod martyrum principalius est actus

A charitatis, quam fortitudinis; quia licet elicitur à fortitudine, dirigitur tamen à charitate; Ergo si prudentia dirigat & reguler electionem, magis debebit dici aactus prudentia, quam virtus moralis.

Respondeo ex eodem S. Doctore qu. 2. de malo art. 3. quod particula, principaliter, duobus modis sumi potest: primò ut significat idem quod primordialiter; secundo ut significat idem quod completivè; quando ergo docet martyrum pertinet principaliter ad charitatem, sumitly principaliter in primo sensu, & solum ultimorum ab ipsa charitate primordialiter, seu originativè procedere, quamvis à virtute fortitudinis elicitur. Idem cum proportione de electione dici debet: illa enim ad intellectum & prudentiam originativè & primordialiter pertinet, ad voluntatem vero & virtutes morales elicitivè & completivè.

Obijcies secundò: Virtutes morales quoque vertantur circa passiones, ut temperantia & fortitudo, resident in appetitu sensitivo, ut docet S. Thomas infra qu. 51. art. 4. At illae virtutes sunt habitus electivi, & habent pro actu proprio elicere electionem rectam in tali materia, moderando passiones: Ergo electio non solum ad voluntatem, sed etiam ad appetitum sensitivum pertinet, & ab illo elicitur.

Respondeo virtutes morales quoque sunt circa passiones, residere in appetitu sensitivo, non quatenus sensitivus & materialis est, sed in quantum participat aliquid de ratione, & rationalis per participationem, ut ait D. Thomas loco citato in resp. ad 1. & ita electionem potest esse ab appetitu sensitivo, non absolute & secundum se considerato, sed ut moto à ratione & voluntate, & ut participante à voluntate aliquam libertatem imperfectam, ratione cuius potest etiam in illo esse peccatum, ut afferit idem S. Doctor infra qu. 74. art. 3.

ARTICULUS II.

De quibus sit electio?

DICO primò, electionem non esse de fine, ut finis est, sed tantum de mediis. Ita D. Thomas art. 3.

Probatur primò: Electio, ut ait Aristoteles, est appetitus preconsiliari: Sed consultatio non est de fine, sed tantum de mediis; Medicus enim v.g. non consultari infirmus sit sanandus, sed solum quibus mediis seu remediis sanandus sit: Ergo nec electio.

Secundò: Electio est veluti quidam motus voluntatis: Ergo cum omnis motus procedat ex aliquo immobili, ut sepe docent Aristoteles & D. Thomas, debet omnis electio ex intentione alicuius finis procedere, subinde que non circa finem, sed circa media veratur.

Tertiò: Eligere est quasi unum ex multis legere: Sed hoc non potest fieri nisi ex presupposito amore finis, qui si ratio discernendi unum ab alio, utpote magis opportunum ad finem obtinendum: Ergo electio amorem & intentionem finis supponit, & circa media veratur.

Denique probatur conclusio: Sic si habet electio in operationibus, sicut discursus in speculativis: At qui intellectus non discurrit circa principia, sed circa conclusiones: Ergo nec voluntas eligit